



Xalq so'zi

O'zbekiston —
kelajagi
buyuk
davlat

2024-YIL — YOSHLAR VA BIZNESNI QO'LLAB-QUVVATLASH YILI

1991-yil 1-yanvardan chiqqan boshlagan • WWW.XS.UZ • E-mail: Info@xs.uz • 2024-yil 14-avgust, № 163 (8786)

Chorshanba Saytimizga o'tish uchun QR-kodni telefoningiz orqali skaner qiling.



BIR BO'LSAK — YAGONA XALQMIZ, BIRLASHSAK — VATANMIZ!

SUN'IY INTELLEKT VA STARTAP LOYIHALARNI RIVOJLANTIRISH BO'YICHA TAQDIMOT O'TKAZILDI

Prezident Shavkat Mirziyoyev
13-avgust kuni sun'iy intellekt va
IT sohasidagi startap loyihalarni
rivojlantirish chora-tadbirlariga doir
taqdimot bilan tanishdi.

Mamlakatimizda axborot texnologiyalari jadal rivojlantirilib, barcha sohada tatbiq etilmoqda. Bularning natijasida shu yilning o'tgan davrida raqamli xizmatlar hajmi 21 trillion so'mdan oshdi, yil yakuni bilan 43 trillion so'mga yetishi kutilmoqda. Sohada 367 million dollarlik xizmatlar eksport qilindi. IT-park rezidentlari 577 taga ko'payib, 2 mingtadan oshdi. Ularda ishlayotgan yoshlar soni esa 32 mingtaga yetdi.

Bu yil sog'liqni saqlash, energetika, transport, ta'lim, qishloq va suv xo'jaligi, qurilish kabi sohalarda 100 dan ortiq raqamlashtirish loyihalari amalga oshirilmoqda.

Zamon shiddat bilan o'zgarayapti. Jahonda har bir sohaga sun'iy intellekt, raqamli texnologiyalar kirib kelyapti. Bu borada yurtimizda ham qator loyihalar boshlangan.

Misol uchun, "MyID" va "UzFace" dasturlari 70 dan ortiq tashkilot, bank, elektron savdo maydonchalari va to'lov tizimlarida joriy qilinib, 10 million foydalanuvchini masofaviy biometrik identifikatsiya qilish imkoniyati yaratildi. "O'zbekkosmos" sun'iy intellektni qo'llab, 43 mingga yaqin yer qaridan noqonuniy foydalanish va ruxsatsiz qurilish holatlarini aniqladi.

Taqdimotda sog'liqni saqlash, qishloq xo'jaligi, bank, soliq, bojxona kabi sohalarda sun'iy intellekt texnologiyalarini rivojlantirish chora-tadbirlari ko'rib chiqildi.

Avvalo, sun'iy intellekt bo'yicha qonunchilik bazasini yaratish kerakligi qayd etildi. Sun'iy intellektni joriy etish strategiyasi va ikki yillik loyihalar dasturini ishlab chiqish vazifasi qo'yildi. Sun'iy intellekt texnologiyalari markazini tashkil qilish bo'yicha topshiriq berildi.

Xususan, bank-moliya sohasida sun'iy intellektni qo'llashni kengaytirish, bu bo'yicha kadrlar tayyorlash va xodimlar malakasini oshirish zarurligi ta'kidlandi.

Bugungi kunda 4 ta universitetda sun'iy intellekt bo'yicha kadrlar tayyorlanayapti. Hozirda katta ma'lumotlarni qayta ishlash va til modellari bo'yicha 600 nafar mutaxassisga talab bor. Bu kelgusi yillarda karrasiga oshadi. Shuni inobatga olib, sohalarda kesimida talabga mos mutaxassislar tayyorlash muhimligi aytiladi.

Dunyoning barcha ilg'or IT kompaniyalari o'z faoliyatini startapdan boshlagan. Bizda ham bu borada birinchi qadamlar tashlanyapti. O'tgan yili bunday loyihalar uchun jalb qilingan vechur investitsiyalar hajmi 134 million dollarni tashkil qilgan.

Davlatimiz rahbari startap loyihalarni moliyalashtirish uchun vechur investitsiyalarga keng sharoit yaratish vaqti kelganini ta'kidladi. Shu bois startap ekotizimini rivojlantirish, vechurli moliyalashtirish mexanizmlarini joriy qilish bo'yicha topshiriqlar berildi.

O'zA.

O'zbekiston Respublikasining QONUNI

Tovar belgilari bo'yicha qonunlar to'g'risidagi Singapur shartnomasini (Singapur, 2006-yil 27-mart) ratifikatsiya qilish haqida

Qonunchilik palatasi tomonidan 2024-yil 30-aprelda
qabul qilingan
Senat tomonidan 2024-yil 21-iyunda
ma'qullangan

Tovar belgilari bo'yicha qonunlar to'g'risidagi Singapur shartnomasi (Singapur, 2006-yil 27-mart) quyidagi qo'shimcha shart inobatga olingan holda ratifikatsiya qilinsin:

Shartnoma 29-moddasining 4-bandi bo'yicha: "O'zbekiston Respublikasi bayon qiladiki, 19-moddaning 2-bandiga qaramay, u huquqlar buzilganligi munosabati bilan huquq egasining tashabbusiga ko'ra boshlangan tartib-taomilda ishtirok etishga yoki litsenziya predmeti sanalgan belgiga bo'lgan huquqning bunday buzilishi natijasida yetkazilgan zararining o'rini shunday tartib-taomil orqali qoplashga doir har qanday huquq O'zbekiston Respublikasining qonunchiligiga muvofiq litsenziatga berilishi uchun shart sifatida litsenziyaning ro'yxatdan o'tkazilishini talab qiladi".

**O'zbekiston Respublikasining
Prezidenti Sh. MIRZIYOYEV**

Toshkent shahri,
2024-yil 13-avgust
№ O'RQ—941

"FINALDA BESH BOKSCHI... O'ZBEKISTONNING SIRI NIMADA?"

Fransiya ommaviy axborot vositalarida o'zbek charm qo'lqop ustalarining Olimpiya o'yinlarida qo'lga kiritgan olamshumul g'alabalari haqida yozishmoqda.

E'tirof

Jumladan, Fransiyaning sport mavzusini yoritishga ixtisoslashtirilgan markaziy nashrlaridan biri — "L'Equipe" gazetasida bosilgan maqolada aytilishicha, Parijda bo'lib o'tgan yozgi Olimpiya o'yinlarida boks bo'yicha O'zbekiston erkaklar terma jamoasi yettita vazn toifasida o'tkazilgan janglarning beshtasida oltin medalni qo'lga kiritib, jahonda tengsiz ekanini yana bir marta namoyish etdi.

Parijdagi yozgi Olimpiya o'yinlarining boks bo'yicha bahslari O'zbekiston charm qo'lqop ustalari uchun tarixiy natija bilan yakunlandi, deb ta'kidlangan "Olympics.com" da

"Mashhur "Rolan Garros" majmuasida boks bo'yicha hal qiluvchi janglar bo'lib o'tgan bahslarning so'nggi kuni O'zbekiston terma jamoasi uchun, aytish mumkinki, mamlakatning butun sporti uchun zafarlarga boy kechdi, — deb yozadi "Olympics.com" muxbiri. — Zero, final janglarida ketma-ket uchta Olimpiya o'yinlarining ochilish marosimida O'zbekiston delegatsiyasining bayroqdori bo'lgan bokschi oltin medallar uchun kurash olib bordi.

PARIS 2024 BOXING: ALL RESULTS, AS UZBEKISTAN'S BAKHODIR JALOLOV SECURES BACK-TO-BACK GOLDS IN MEN'S +92KG DIVISION



KO'P ASRLIK DO'STLIK VA YAXSHI QO'SHNICHILIK SOLNOMASIDA YORQIN SAHIFA

Keyingi yillarda
Prezidentimiz
Shavkat Mirziyoyev
rahnamoligida
amalga
oshirilayotgan
tinchliksevar tashqi
siyosat tufayli
mamlakatimizning
jahon va mintaqa
miqyosidagi obro'-
e'tibori tobora
ortib bormoqda.



NUQTAI NAZAR

Bu borada, ayniqsa, davlatimiz rahbarining Markaziy Osiyoni tinch va farovon hududga, yaxshi qo'shniichilik, o'zaro manfaatli hamkorlik va barqaror taraqqiyot makoniga aylantirish, mintaqa

davlatlari o'rtasidagi do'stlik va birdamlik munosabatlarini yanada rivojlantirishga doir tashabbuslari alohida ahamiyat kasb etmoqda.

Prezidentimizning qo'shni

Qozog'istonga tashrifi, mazkur mamlakatning oliy davlat mukofoti "Oltin qiron" ordeni hamda Markaziy Osiyo davlatlari rahbarlarining Faxriy nishoni bilan taqdirlanishi buning yaqqol misolidir.

VATANNI SHARAFLASH SAODATI

Joriy yilning qaynoq yoz fasli jahon sportida yorqin voqealarga, unutilmas xotiralarga boy o'tmoqda. Fransiyaning Parij shahrida o'tkazilgan XXXIII yozgi Olimpiya o'yinlari harorati, quvonch va hayajonlari hali bosilmay turib, ushbu ko'hna kent yana bir xalqaro sport anjumani mezbonlik qiladi. 28-avgustdan 8-sentyabrga qadar "Parij — 2024" XVII yozgi Paralimpiya o'yinlari bo'lib o'tadi. Ahamiyatli, ushbu nufuzli anjumanda mamlakatimiz sportchilari ham o'z iqtidor va salohiyatini, mahorat va matonatini namoyish etadi.



Sport

Shu munosabat bilan poytaxtimizdagi Olimpiya va paralimpiya shon-shuhrati muzeyida O'zbekiston sport delegatsiyasini para sport turlari bo'yicha to'rt yillikning eng nufuzli musobaqalariga tantanali kuzatish marosimi bo'lib o'tdi.

Davlat madhiyasi sadolari ostida tantanali ravishda boshlangan tadbirda O'zbekiston Respublikasi Bosh vaziri Abdulla Aripov, Oliy Majlis Qonunchilik palatasi Spikeri Nuriddin Ismoilov, Ijtimoiy himoya milliy agentligi raisining birinchi o'rinbosari Shahnoza Mirziyoyeva va boshqa rasmiylar qatnashdi.

So'z olganlar yaqinda Parijda bo'lib o'tgan yozgi Olimpiya o'yinlarida sportchilarimiz yorqin g'alabalari bilan mamlakatimiz sporti tarixida yangi sahifa ochganini e'tirof etdi. Bu, albatta, yurtimizda soha rivojiga qaratilayotgan e'tibor, yoshlarga ko'rsatilayotgan g'amxo'rlik va ularga o'z iqtidorlarini namoyon etishlari uchun yaratilayotgan shart-sharoitlar mevasidir.

Yangilana yotgan O'zbekistonda imkoniyati cheklangan insonlarning huquq va manfaatlarini

ta'minlash, ularning jamiyatga integratsiyalashuvi va hayotda o'z o'rinlarini topishi davlat siyosati darajasiga ko'tarilgan. Shu bois para sportchilarni tayyorlashga ham jiddiy ahamiyat berilyapti. Jumladan, yurtimizda Adaptiv sport turlari assotsiatsiyasi tuzilishi nogironligi bo'lgan shaxslarni sportga keng jalb etish, paralimpiya harakati qamrovini kengaytirishga xizmat qilmoqda.

Prezidentimizning 2021-yil 5-noyabrda "2024-yil Parij shahrida (Fransiya) bo'lib o'tadigan XXXIII yozgi Olimpiya va XVII Paralimpiya o'yinlariga O'zbekiston sportchilarini kompleks tayyorlash to'g'risida"gi qaroriga muvofiq ushbu jahonshumul musobaqalarga sportchilarimizni puxta hozirlash uchun keng ko'lami chora-tadbirlar olib borildi. Natijada O'zbekiston para sportchilari navbatdagi yozgi Paralimpiya o'yinlariga o'z tarixidagi eng katta delegatsiya bilan yo'l olmoqda. Tadbirda XXXIII yozgi Olimpiya o'yinlari oltin medalini qo'lga kiritgan sportchilar — Diyora Keldiyorova va UluQbek Rashitov "Olimpiya oilasi" nomidan O'zbekiston paralimpiya sport delegatsiyasiga omad tiladi.

GIDROENERGETIKA SOHASINI TARAQQIY ETTIRISHNING 5 YILLIK STRATEGIYASI

Davlatimiz rahbarining "Gidroenergetika sohasini isloh qilish chora-tadbirlarini jadallashtirish to'g'risida"gi qarori bilan gidroenergetika tarmog'ini 2028-yilgacha rivojlantirish bo'yicha 5 yillik dastur tasdiqlandi.

Unga ko'ra:

- 2028-yilga borib bugungi kundagi mavjud 2228 MvT quvvatlarni qariyb 2,5 baravarga oshirish, ya'ni 5508 MvTga;
- yillik ekologik toza elektr energiya ishlab chiqarish hajmini 15,7 mlrd. kVt/soatga yetkazish rejalashtirilgan.

Mazkur loyihalarni qurishga 6,5 mlrd. AQSH dollari miqdorida investitsiya mablag'lari jalb qilinadi.

Dasturni amalga oshirish natijasida "O'zbekgidroenergo" AJ tarkibidagi GESlar soni 2 barabarga oshib, 120 taga yetkaziladi. 3 000 ta yangi ish o'rni yaratiladi, 4,2 mlrd. kub metr tabiiy gaz iqtisod qilinishiga erishiladi.

Manba: "O'zbekgidroenergo" aksiyadorlik jamiyati.

Fakt va raqamlar



4



E'TIBOR, E'TIROF, HAYRAT

"FINALDA BESH BOKSCHI... O'ZBEKISTONNING SIRI NIMADA?"

JO 2024 : Cinq boxeurs en finale dont un médaillé d'or... C'est quoi le secret de l'Ouzbékistan ?



"Rio - 2016" va "Tokio - 2020" yozgi Olimpiya o'yinlarining tantanali ochilish marosimlarida o'z davlati bayrog'ini Bahodir Jalolov ko'targan bo'lsa, "Parij - 2024"da bunday sharafli vazifa Abdumalik Xalokov chekiga tushdi.

rahbarligidagi Kuba boks maktabidan mutaxassislar taklif etilgani, butun mamlakat bo'ylab boks to'garaklari ishi tahlil qilingani, mashg'ulotlar jarayonini individuallashtirish, samarali rejallashtirish bo'yicha dasturlar ishlab chiqilgani va tajribali bokschilarning mashg'ulot jarayoni hamda faoliyati puxta o'rganilgani ma'lum qilingan.

kuchli, katta iqtidor va yuqori texnikaga ega. O'zbekistonning iqlimi, mevalari, vitaminlarga boy oziq-ovqatlar sportchilar uchun juda muhim, ular kuch-quvvat bag'ishlaydi", deya Kuba terma jamoasi bosh murabbiyi Rolando Montesning so'zlaridan iqtibos keltiriladi maqolada.

SPORTIMIZ TARIXIDA UNUTILMAS O'ODISA

Yozgi Olimpiya o'yinlari O'zbekiston uchun chinakam tarixiy hodisa bo'ldi. Matonatti sportchilimiz o'zbek sporti uchun yangi davrni boshlab berdi, desak, aslo mubolag'a emas.



Olimpiadachilarimiz qo'liga kiritgan 13 ta medaldan 8 tasi oltin ekani sportchilarimizning g'alabaga bo'lgan mustahkam irodasi, yuksak mahorati va kurashchan ruhini namoyon qiladi. Ularning erishgan yutuqlari nafaqat sport natijalari, balki kelajakka intilayotgan, har bir fuqaroning Qurur va iftixonini his etishi uchun barcha ishni qilyotgan yangi O'zbekistonning qudrati va salohiyatining yorqin ifodasidir.

Biz ushbu g'alabalar sari to'xtovsiz ishlayotgan sportchilarimizdan faxrlanamiz. Ularning matonati, intizomi, sportga fidoyiligi barchamizga o'makdir. Ular misli ko'rilmagan cho'qqilarni zabt etishga tayyor, iqtidorli O'zbekiston yoshlari ekanini butun dunyoga isbotladi.

Murakkab kechgan janglarda Ulug'bek Rashitov o'z raqiblaridan yaqqol ustunlik qilgan holda taekwondo bo'yicha ikki karra Olimpiada chempioni bo'ldi. Bokschi Hasanboy Do'smatov va Bahodir Jalolov ham o'zbek boks tarixiga o'z nomlarini yozib, ikki karra Olimpiada chempioniga aylanishdi.

Narimon UMAROV, Oliy Majlis Senatining Sud-huqoq masalalari va korrupsiyaga qarshi kurashish qo'mitasi raisi.

YURTIMIZ YOSHLARINING YUTUG'I BARCHAMIZGA KUCH BAG'ISHLAYDI

Mamlakatimizda sportni rivojlantirish va ommalashtirish ijtimoii siyosatning muhim yo'nalishlaridan biri etib belgilangan. Xalqimizni sportga ommaviy tarzda keng jalb qilish, ayniqsa, kelajakimiz egalari bo'lgan yosh avlodni har jihatdan yetuk va komil inson etib tarbiyalashga yuksak darajada e'tibor qaratilmoqda.



o'zbekistonlik ayol sportchi yozgi Olimpiadaning oltin medaliga sazovor bo'ldi. Erkaklar boksida 7 ta vazn toifasidan 5 tasida o'zbekistonliklar zafar quchdi. Bundan tashqari, o'zbek sporti "Parij - 2024"da futbol, suvga sakrash, kamondan o'tish va ayollar kurashi bo'yicha debiut qildi.

Davlatimiz rahbarining tashabbusi bilan sport sohasida ulkan islohotlar amalga oshirilib, samarali ishlaydigan tizim yaratildi, markaziy va chekka hududlarda zamonaviy sport inshootlari qad rostladi.

Seviz turganingizdek, Olimpiadadagi natija va rekordlarimiz yildan-yilga o'sib bormoqda. Buning ortida o'zining masshaqqatli mehnatini ayamagan sportchilarimizning ota-ona va murabbiylari turadi, albatta.

Quvonarlisi, uzoqni ko'zlab, chuqur tahlil va aniq maqsadlar asosida amalga oshirilgan tizimli ishlar o'z natijasini bermoqda. O'sh avlod yaratilgan sharoitga yarasha o'z iste'dodini nafaqat yurtimizda, balki jahon arenalarida ham namoyon etmoqda.

Kuni kecha Prezidentimiz Olimpiada natijalari haqida gapirar ekan, ularni shunday e'tirof etdi: "Barcha sportchilarimiz, ularning o'tonalari, ustoz va murabbiylari Yangi O'zbekistonning chinakam qahramonlaridir! Ular bilan har qancha faxrlansak arziydi, ular bizning g'ururimiz!"

Ishonchimiz komil, hali bu natijalar bilan cheklanmaymiz, yutuqlarimiz davomli bo'ladi. Yangi O'zbekiston yoshlari bundan-da ulkan marralarni zabt etishga qodir. Chunki ular To'maris, Manguberdi, temuriylar, boburiylar avlodi. Oldinda bizni yana bir katta musobaqa kutib turibdi. 28-avgust kuni XVII yozgi Paraliimpiya o'yinlariga start beriladi. Ushbu musobaqadan ham O'zbekiston delegatsiyasi a'zolari ulkan muvaffaqiyatlar bilan qaytishiga aminmiz. Ularga zafar va omadlar yor bo'lsin!


Dilorom TOSHMUHAMEDOVA, Oliy Majlis Senatining Yoshlar, madaniyat va sport masalalari qo'mitasi raisi o'rinbosari.

YANGI O'ZBEKISTONGA YANGI G'ALABALAR TAQDIM ETILMOQDA

Xitoyning yetakchi "Global Times" gazetasida O'zbekiston sportchilarining "Parij - 2024"dagi g'alabalariga bag'ishlangan maqola bosildi.

"Parijda bo'lib o'tgan yozgi Olimpiya o'yinlari O'zbekiston uchun mamlakat mustaqillikka erishganidan keyingi eng muvaffaqiyatli turnir bo'ldi. 200 dan ortiq davlatlar sportchilari o'rtasidagi umumiy medallar hisobida o'zbekistonlik olimpiyachilar 13 ta, jumladan, sakkizta oltin medalni qo'liga kiritib, umumjamoa hisobida 13-o'rinni, Markaziy Osiyo va MDH davlatlari orasida birinchi o'rinni egalladi", deyiladi nashrda.

Krasnichini mag'lub etib, O'zbekiston tarixida Olimpiya o'yinlarida oltin medal qo'lga kiritgan birinchi ayol sportchi bo'ldi, deyiladi maqolada.



Boks bo'yicha O'zbekiston terma jamoasi esa Parijda medallar jam'garish bo'yicha birinchi o'rinni egallab, "jahonning eng kuchli jamoasi" degan sharafli nomga erishgani alohida ta'kidlanadi. Erkaklar terma jamoasidagi yetti nafar bokschidan besh nafari oltin medalni qo'lga kiritdi.

Yirik xalqaro musobaqalar, jumladan, boks, taekvondo, erkin kurash, qilichbozlik va boshqa sport turlari bo'yicha jahon va Osiyo chempionatlari muntazam o'tkazilayotgan O'zbekistonda sport infratuzilmasini rivojlantirishga alohida e'tibor qaratilmoqda.

Ushbu g'alabalar sari to'xtovsiz ishlayotgan sportchilarimizdan faxrlanamiz. Ularning matonati, intizomi, sportga fidoyiligi barchamizga o'makdir. Ular misli ko'rilmagan cho'qqilarni zabt etishga tayyor, iqtidorli O'zbekiston yoshlari ekanini butun dunyoga isbotladi.

"Parij - 2024":

XALQLARIMIZ QALBINI YANADA YAQINLASHTIRGAN ANJUMAN

Jahon ahli diqqat-e'tiborini Fransiyaning Parij shahriga qaratgan nufuzli sport bayrami - XXXIII yozgi Olimpiya o'yinlari yakuniga yetdi. Turi arenalarda kechgan o'yinlar o'zining unutilmas va hayajonga boy lahzalari, ayniqsa, yurtimiz sharafini himoya qilgan sportchilarning tarixiy g'alabalari bilan qalbibimizga muhrlandi, desak, yangilishmaymiz.

O'zbekiston delegatsiyasi a'zolarining tarixiy zafaralari, yurtimiz bayrog'ining yuksak ko'tarilishi, davlatimiz madhiyasi yangirash jahon hamjamiyati va qaradosh xalqlar tomonidan ham e'tirof etilgan quvonchimizga quvonch qo'shdi.

O'zbekiston delegatsiyasi a'zolarining tarixiy zafaralari, yurtimiz bayrog'ining yuksak ko'tarilishi, davlatimiz madhiyasi yangirash jahon hamjamiyati va qaradosh xalqlar tomonidan ham e'tirof etilgan quvonchimizga quvonch qo'shdi.

Abdildabek JUMASHEV, temir yo'l sohasi vakili (QirQiziston):



— Parijda murossasiz bellashuv va bahslarga boy o'tgan bu safargi Olimpiada bizga ko'plab hayajonli damlarni tuha etgani bilan esda qoldi. Bu musobaqa, ayniqsa, bir-biriga yaxshilik sog'inadigan, yelka tutadigan, jondosh bo'lib yashayotgan mamlakatlarning uchun o'zgacha hayrat va quvonch baxsh etdi.

Raxat JAQSIBAY, jurnalist (Qozog'iston):




— Tan olish kerak, bu Olimpiada avvalgilardan boshqacha ruhda o'tdi, ildizi bir, orzu-maqadlari mushtarak qaradosh mamlakatlarni yanada birlashtirdi, yakdil ovozga aylantirdi. Musobaqalarda o'zbek yutsa — biz, biz yutsak, o'zbeklar birday quvondim.

hayajonga, g'urur-iftixorga to'ldi. To'g'ri, bellashuvda alamlar holatlar ham bo'ldi, ammo muzaffarlik, sportchilarimiz shohsupaga ko'tarilishi, davlatimiz madhiyasi yangirashi barini yuvib ketdi. O'zbekiston madhiyasi Olimpiada davomida 8-marta yangradi, buni oilamiz, yaqinlarimiz bilan birday quvonib kuzatdik. Ayniqsa, taekvondo bo'yicha ikki karra Olimpiya o'yinlari g'olibligini qo'lga kiritgan Ulug'bek Rashitovning finaldagi o'yini qalblarimizni to'lqinlantirib yubordi. U o'yin yarmida jarohat oldi shekilli, bir marta yerga yiqildi, ammo keyin o'rmondan turib kurashni davom ettirdi va g'olib bo'ldi. Bu shijoat, bu jasurlik o'zbek xalqi, umuman olganda, Turon xalqlariga xos jihat. Birodarligimiz abadiy bo'lsin!

O'zbek qaradoshlarimiz qatnashgan bellashuvlarini, xususan, boksni zo'r maroq bilan tomosha qildik. Aytish joiz, ular mazkur sport turida ancha ilgari ketishgan. Bu, o'z navbatida, soha ekspert va mutaxassislari tomonidan ham alohida e'tirof etilmog'ida.

Olimos ULVIY, Ozarbayjon Milliy ilmlar akademiyasi xodimi (Ozarbayjon):



— O'zbek sportchilari qatnashgan bahslarni, ularning g'alabalarini xuddi o'zimnikidek kuzatib bordim. Ta'kidlash joiz, ularning barchasi turkiy xalqlarning yoshlari naqadar katta salohiyat va kuchga ega ekanini ko'rsatib bera oldi.

dzyudochi Uta Abe ustidan quchgan g'alabasi, raqibning o'yindan so'ng bu mag'lubiyatdan o'ziga kelolmaganini ko'rib, yuraklarimiz titrab ketdi. Chindan-da, o'zbek qizining



Nafaqat o'zbek xalqi, balki turkiy xalqlarning arsloni, shijoatli, sheryurak qizi Diyora Keldiyorovanning Tokio Olimpiadasi chempioni, besh yildan beri mag'lub neligini bilmay kelayotgan yaponiyalik

Rahmatjon BOBOJONOV ("Xalq so'zi") yozib oldi.

ISHGA TAKLIF Tashkent shahridagi Belarus - O'zbekiston qo'shma tarmoqlar amaliy texnik kvalifikatsiyalar instituti O'zbekiston Respublikasi Prezidentining 2019-yil 20-noyabrdagi 4524-qaroriga asosan tashkil etilgan davlat oliy ta'lim muassasasi hisoblanadi.

2024/2025-o'quv yili uchun yuqori malakali pedagog xodimlarni quyidagi bo'sh (vakant) lavozimlarga ishga taklif etadi:

Table with 6 columns: №, Kafedralar, Kafedra mudiri, Professor, Dotsent, Katta o'qituvchi, Assistent

Lavozim uchun malakaviy talablar: — tegishli ixtisoslik bo'yicha ilmiy daraja yoki ilmiy unvonga (dotsent/professor), shuningdek, tegishli mutaxassislik bo'yicha falsafa doktori (PhD), fan doktori (DSc) yoki unga tenglashtirilgan boshqa ilmiy daraja va unvonlarga ega bo'lishi;

Tanlovda nomzodlarga ustuvorlik beriladigan ahvolatlar: — QS, THE, ARWU xalqaro reytinglardae'tirof etilgan «TOP - 1000» oliy ta'lim muassasasini tamomlaganlik;

— ilmiy loyihalarga rahbarlik; — xo'jalik shartnomalarga rahbarlik; — xorijiy til sertifikatiga egalik (IELTS, TOEFL, CEFR - B2, S1); — «Scopus» va «Web of Science» bazalariga kiritilgan jurnallarda maqola chop etganlik va «h-index» ga egalik.

Ma'lumot uchun telefon: Kadrlar bo'limi inspektori — Kamalxodjayeva Dilnoza Abdikarimovna. (+998 97) 761-06-56. Manzil: Toshkent viloyati, Qibray tumani, Qoramurt ko'chasi, 1-uy.

KO'P ASRLIK DO'STLIK VA YAXSHI QO'SHNIChILIK SOLNOMASIDA YORQIN SAHIFA



Bugungi kunda xalqaro munosabatlarning globallashtirish, bir tomondan, yangi mustaqil davlatlarga jahon maydoniga erkin chiqish va turli davlatlar bilan o'zaro hamkorlikni yo'lga qo'yish, o'z milliy manfaatlarini himoya qilishda keng imkoniyatlar yaratayotgan bo'lsa, ikkinchi tomondan, umumiy yashash hududi, ya'ni muayyan mintaqada joylashgan davlatlarning bir-biriga yaqinlashuvi hamda ular o'rtasidagi aloqalarning kuchayishi bilan bog'liq tendensiyalarga o'z ta'sirini o'tkazmoqda.

Shu munosabat bilan, bu borada o'tkaziladigan tadbirlar, targ'ibot va tashviqot ishlari, avvalo, O'zbekistonning jahondagi o'rnini va nufuzini yaqqol tasavvur qilish, bugungi dorilamon kunlarning shukronasi va uning qadriga yetish, ikkinchidan, Prezidentimiz tomonidan amalga oshirilayotgan tub islohotlar va o'zgarishlar jarayonining mazmun-mohiyati va ahamiyatini o'rganish, uchinchidan, bu borada alohida ahamiyat berilishi lozim bo'lgan dolzarb masalalar va mas'uliyatli vazifalarimizni yanada chuqurroq anglab olishga imkon beradi.

Prezidentimizning Qozog'istonga tashrifi, Ostona shahrida Markaziy Osiyo davlatlari rahbarlarining oltinchi Maslahat uchrashuvida ishtirok etishi va bu anjumandagi nutqi hamda tashrif doirasidagi ko'plab tadbirlar mintaqa davlatlari o'rtasidagi do'stlik, qo'shniChilik va o'zaro anglashuvni rivojlantirish borasida yangi bosqichni boshlab berdi, ushbu sohadagi ko'p asrlilik do'stlik va yaxshi qo'shniChilik solnomasida yangi sahifa ochdi, desak, ayni haqiqat.

Butun dunyo va ayniqsa, Markaziy Osiyo mintaqasi miqyosida mamlakatimizning mavqei, davlatimiz rahbarining obro'-e'tibori toboraga ortib borayotganining asosli sabablari bor, albatta.

Birinchidan, hozirgi davrga kelib tobora rivojlanib va taraqqiy etib borayotgan yangi O'zbekiston jadalik bilan globallashtirish

bugungi dunyodagi xalqaro munosabatlarning faol va ishonchli subyektiga aylandi. Bu jihatdan, mamlakatimizning jahon hamjamiyatiga integratsiyalashuvi va rivojlangan davlatlar qatoriga qo'shilish istiqbollari, xalqaro munosabatlarda tizimida o'z o'rnini va nufuzini belgilash borasidagi faol tashqi siyosati muhim ahamiyat kasb etmoqda.

Bugungi kunda O'zbekiston Respublikasi Birlashgan Millatlar Tashkiloti va uning ixtisoslashtirilgan muassasalari — YUNISEF, YUNESKO, Jahon sog'liqni saqlash tashkiloti, shuningdek, Yevropada xavfsizlik va hamkorlik tashkiloti, Yevropa Ittifoqi, Iqtisodiy hamkorlik tashkiloti, Mustaqil Davlatlar Hamdo'stligi, Shanxay hamkorlik tashkiloti, Turkiy davlatlar tashkiloti kabi ko'plab xalqaro, mintaqaviy hamda moliyaviy va iqtisodiy tuzilmalarning faol va tashabbuskor a'zolaridan biriga aylandi. Dunyoning 130 ga yaqin mamlakatlari bilan diplomatik aloqalar o'rnatilgani, O'zbekistonning dunyo miqyosidagi ko'plab forum va xalqaro tashkilotlarning tadbirlaridagi faol ishtiroki va natijador tashabbuslari buning yaqqol dalilidir.

Ikkinchidan, bunday olamshumul yutuqlar va natijalar ortida chuqur o'ylangan, butun dunyo, mintaqa va mamlakatimiz manfaatlariga mos faol harakat, ulkan mehnat turgani, shubhasiz, albatta. Ayni paytda bu tasodif emas, balki jahon xalqlari bilan tinchlik, birodarlik, hamkorlik va yaxshi qo'shniChilikni yanada mustahkamlash yo'lida keyingi yillarda amalga oshirilayotgan rejali faoliyatning natijasi hamdir.

Uchinchidan, yangi O'zbekiston tashqi siyosatining Prezidentimiz tomonidan asoslab berilgan hamda ulkan yutuq va natijalarga, pirovardida esa bugungi kunda yuksak e'tirofga sabab bo'layotgan umuminsoniy tamoyillari davlatlarning suveren tengligi, kuch ishlatmaslik yoki kuch bilan tahdid qilmaslik, hududlar va chegaralarning daxilsizligi, nizolarni tinch yo'l bilan hal etish, boshqa davlatlarning ichki ishlariga aralashmaslik kabi xalqaro huquqning umume'tirof etilgan qoidalariga tayanishi bilan uzviy bog'liqdir. Davlatimiz rahbarining 2017-yil 19-sentyabrdagi BMT Bosh Assambleyasi minbaridagi nutqida mamlakatimizning bu boradagi siyosatining ustuvor tamoyili quyidagicha ifodalab berilgan: "O'zbekiston hech qanday blokka qo'shilmaslik maqomini saqlab

qolgan holda, ochiq muloqotga tayyordir. Biz barcha sheriklarimiz bilan tinchlik, taraqqiyot va farovonlik yo'lida hamkorlikni kengaytirishdan manfaatdormiz."

Ushbu tayanch fikrga asoslanadigan bo'lsak, bugungi O'zbekistonning tashqi siyosatida biror-bir mamlakat, jumladan, yaqin qo'shniChilarimizning milliy manfaatlarini va suverenitetiga aslo zid kelmaydigan va shu bois ham keng miqyosda e'tirofga sazovor bo'layotgan quyidagi muhim tamoyillar asos qilib olinganini alohida ta'kidlash lozim:

- milliy manfaatlar ustuvorligini saqlagan holda, boshqa davlatlar bilan o'zaro tenglik asosida manfaatli hamkorlik qilish;
- xalqaro maydonda tinchlik va xavfsizlik, turli mamlakatlardagi ziddiyatlarni tinch yo'l bilan hal qilish tarafdori bo'lish;
- hech qanday harbiy bloklarga kirmaslik, shuningdek, munozarali muammolarni kuch yoki kuch orqali tahdid yo'l bilan hal qilishdan tiyilish;
- tashqi siyosat boshqa davlatlarning ichki ishiga aralashmaslik, teng huquqlik va o'zaro manfaatdorlik tamoyillariga asoslangan holda amalga oshirilishi;
- davlatning ichki me'yorlariga nisbatan xalqaro huquq me'yorlarining ustuvorligini tan olish va barcha xalqaro huquq normalari va umuminsoniy andozalarga rioya qilish;
- uzoq va yaqin mamlakatlari bilan o'zaro ishonch asosida, ikki va ko'p tomonlama tashqi aloqalarni o'rnatish hamda xalqaro tashkilotlar doirasida hamkorlik qilish.

Mustahkam xavfsizlik, barqaror iqtisodiy taraqqiyot uchun qulay shart-sharoitlar yaratish, aholi turmush darajasini ko'tarish, konstitutsiyaviy tuzum asoslarini mustahkamlash, millatlar ahilligini, xalqlar do'stligini ta'minlash, fuqarolar erkinliklari va haq-huquqlarini muhofaza qilish respublikamiz tashqi siyosatining asosiy maqsadlari hisoblanadi.

Bu esa, o'z navbatida, dunyo va mintaqa mamlakatlari orasidagi mustahkam do'stlik, tinchlik va barqarorlik makonini yaratishdagi o'zaro hamkorlikka keng imkoniyatlar yaratadi va milliy manfaatlariga mos keladi.

To'rtinchidan, aynan ana shu jihatdagi mintaqada ko'proq e'tirof etilayotganining sabablaridan yana biri, O'zbekistonning Markaziy Osiyoda tinchlik va barqarorlikni saqlash, xavfsizlikni ta'minlash, millatlararo totuvlik va mintaqa xalqlari hamda davlatlarining an'anaviy do'stligiga, hamjihatligiga tahdid soluvchi va jiddiy xavfni bartaraf etish bo'yicha qo'shni mamlakatlari bilan hamkorlikda zarur

chora-tadbirlar ko'rish borasidagi sa'y-harakati va tashabbuslari bilan bog'liqdir.

Mazkur yo'nalishdagi faoliyatning mazmun-mohiyati va maqsad-muddaosi Prezidentimiz tomonidan ta'kidlangan quyidagi fikrda o'zining yaqqol ifodasini topgan: "O'zbekiston bugungi kunda o'zining tashqi siyosatida Markaziy Osiyo mintaqasiga ustuvor ahamiyat qaratmoqda. Bu — har tomonlama chuqur o'yab tanlangan yo'l. Markaziy Osiyoning qoq markazida joylashgan O'zbekiston ushbu mintaqaga barqarorlik, ichkil taraqqiyot va yaxshi qo'shniChilik hududiga aylanishidan bevosita manfaatdordir. Tinch-osoyishta, iqtisodiy jihatdan taraqqiyot etgan Markaziy Osiyo — biz intiladigan eng muhim maqsad va asosiy vazifadir".

Bu jihatdan, Prezidentimizning Ostona shahrida Markaziy Osiyo davlatlari rahbarlarining oltinchi Maslahat uchrashuvidagi nutqi hamda mazkur tashrif doirasidagi ko'plab tadbirlardagi fikr-mulohazalari va ayniqsa, Mintaqaviy xavfsizlik va barqarorlikni ta'minlash konsepsiyasini ishlab chiqish, Markaziy Osiyo investitsiya kengashi va Innovatsion

rivojlanish bankini ta'bis etish, qo'shma investitsiya forumlarini muntazam o'tkazib borish to'g'risidagi takliflari tarixi va taqdirida umumiylk ko'p bo'lgan qardosh xalqlar uchun muhim ahamiyatga molik tashabbuslardir. Davlatimiz rahbarining bu sohadagi masalalarning barchasini ko'rib chiqish uchun iqtisodiy kengash — Bosh vazir o'rinbosarlari darajasida muntazam uchrashuvlarni yo'lga qo'yish, Hududlar forumi va tarmoq konferensiyalari, sanoat

Davlatimiz rahbarining mintaqa xalqlarining o'zaro bir-birini tushunishi va birdamligini yanada mustahkamlash maqsadida mintaqaviy o'ziga xoslikni shakllantirishning amaliy jihatlari bag'ishlangan ilmiy forum tashkil etish, Innovatsion Qoyalari va loyihalar mintaqaviy tanlovining muntazam o'tkazilishi, "Markaziy Osiyo yoshlari kun tartibi — 2030"ni ilgari surish va yosh avlodni hamkorlik dasturlariga keng jalb etish, Markaziy Osiyo ta'lim va akademik almashuv dasturini qabul qilish hamda yetakchi oliy o'quv yurtlarining diplomlarini o'zaro tan olish to'g'risidagi bitimni ishlab chiqish, iqtidorli talabalar uchun o'zaro kelishuvlar asosida stipendiyalar ajratishga doir taklif va tashabbuslari ham o'zining amaliy ifodasini topayotganini alohida ta'kidlash zarur.

Bahodir MIRZAYEV, "Toshkent irrigatsiya va qishloq xo'jaligini mexanizatsiyalash muhandislari instituti" milliy ta'dqiqot universiteti rektori.

YANGILIKLAR xabarlar TAFSILOTLAR

Fan olimpiadasi g'oliblari taqdirlandi



Saudiya Arabistonida bo'lib o'tgan 56-xalqaro kimyo olimpiadasida O'zbekiston vakillari 1 ta oltin, 2 ta kumush va 1 ta bronza medalni qo'lga kiritdi.

Farmatsevtika tarmog'ini rivojlantirish agentligi hamda Farmatsevtika texnik universiteti rahbariyati tomonidan Xalqaro kimyo va biologiya fanlari olimpiadachilarini tantanali taqdirlash marosimi o'tkazildi.

Olimpiada g'olib va sovrindorlariga Farmatsevtika texnik universitetida bakalavr bosqichida ta'lim olishi uchun qiymati 140 mln. so'mga teng bo'lgan sertifikatlar topshirildi.

Kompyuter jamlamalari — ta'lim muassasalariga

Navoiy viloyatidagi umumta'lim muassasalariga ularning moddiy-texnika bazasini mustahkamlash maqsadida kompyuter jamlamalari va chaqiruvga qadar boshlang'ich tayyorgarlik fani jihozlari topshirildi.

Viloyat hokimligi tashabbusi bilan tashkil etilgan ushbu tadbir doirasida 1-bosqichda 72 ta umumta'lim hamda 4 ta kasb-hunar maktabiga chaqiruvga qadar boshlang'ich tayyorgarlik fani jihozlari to'plamlari va 110 ta kompyuter jamlamasi yetkazib berildi.

Sanoat korxonalarini bilan ishlashning monitoring tizimi

Toshkent viloyatida sanoat korxonalarini bilan ishlashning monitoring tizimi joriy qilindi.

Bu haqda viloyat hokimining tegishli hujjati imzolandi.



Xususan, ishlab chiqarishi kamaygan, faoliyatini to'xtatgan, past quvvatda ishlayotgan, kredit olib ishga tushgan, biroq bugungi kunda 50 foizdan past quvvatda ishlayotgan hamda "nol" qiymatidagi korxonalar nazoratga olinadi.

Aniqlangan muammolar tahlil qilinib, tegishli tashkilotlar orqali yechimni ta'minlash bo'yicha choralar ko'riladi. Bu tizim tadbirkorlik subyektlarining moliyaviy ahvolini yaxshilashga ko'maklashadi.

"Yangi O'zbekiston — mening nigohimda"

Xorijda istiqomat qilayotgan iqtidorli vatandoshlarimiz o'rtasida ana shu nomda maqolalar tanlovi o'tkazildi.

"El-yurt umidi" jamg'armasi, Yoshlar ishlari agentligi, "Vatandoshlar" jamoat fondi hamda O'zbekiston yoshlari umumjahon assotsiatsiyasi hamkorligida uyushtirilgan ushbu tanlovda yuzga yaqin vatandoshlar va jamg'arma stipendiatlari o'z maqolalari bilan qatnashdi.

Ushbu ijodiy ishlar tanlov nizomi asosida ko'rib chiqildi va 1, 2, 3-o'rinlar belgilandi. G'olib va sovrindorlar munosib taqdirlandi.

"Xalq so'zi".

VATANNI SHARAFLASH SAODATI

Biz, sportchilar yangi bir dovon oldida turibmiz, — deydi para yengil atletika bo'yicha terma jamoa a'zosi, Paraosiy o'yinlari g'olibi Shahina Yigitaliyeva. — Ishonchim komilki, bu dovonni biz bor salohiyatimizni, mahoratimizni ishga solib, yuksak ishonch bilan zabt etamiz. Axir yurtimizda paralimpiyachilarga barcha shart-sharoit yaratib berildi. Davlatimiz rahbari, butun xalqimiz har lahzada qo'llab-quvvatlab, bizga ruhan tayanch bo'lib turibdi. Endigi navbat sportchilarga! Yaqindagina nihoyasiga yetgan yozgi Olimpiya o'yinlaridagi O'zbekiston delegatsiyasining muvaffaqiyatlari bizga qo'shimcha kuch, baland ruh baxsh etadi. Biz, paralimpiyachilar ham ishonchni oqlab, Vatanni sharaflash saodatiga musharraf bo'lamiz, deya va'da beramiz.

Tadbirda XVII yozgi Paralimpiya o'yinlarida O'zbekiston delegatsiyasi bayroqdorlari — para yengil atletikaning yadro otish

dasturida ikki karra Paralimpiya o'yinlari g'olibi Husniddin Norbekov va disk uloqtirish dasturida "Tokio — 2020" Paralimpiya o'yinlari oltin medal sohibi Mohigul Hamdamovaga tantanali ravishda davlat bayrog'i topshirildi.

Ma'lumot o'rinda aytish joizki, bu galgi o'yinlarda ishtirok etish uchun jami 113 ta litsenziya qo'lga kiritilgan bo'lib, 65 nafar para atletimiz 9 ta sport turi bo'yicha (para yengil atletika, para taekvondo, para o'q otish, para suzish, para kanoe, para akademik eshakk ehsish, para dzyudo, para pauerlifting va para velosport) o'z mahoratlarini namoyon etishadi. Bu O'zbekiston Paralimpiyasi tarixida rekord ko'rsatkich hisoblanadi. Taqqoslash uchun paralimpiyachilarimiz 2016-yili Rio-de-Janeyro shahrida bo'lib o'tgan o'yinlarga 32 ta, Tokio o'yinlariga 70 ta litsenziyani qo'lga kiritgan edi.

E'tiborlisi, "Parij — 2024" yozgi Paralimpiya o'yinlarida ishtirok etadigan 65 nafar para

atletning 29 nafari, ya'ni 45 foizi ayol sportchilar hisoblanadi. Bundan tashqari, para o'q otish bo'yicha ilk bor o'zbekistonlik ayol sportchi — Shahnoza Mamajonova Paralimpiya o'yinlari litsenziyasini qo'lga kiritdi. Bu esa yurtimizda Paralimpiya harakatida ham gender tengligi ta'minlanib borayotganidan dalolat.

Fransiya poytaxtidagi o'yinlarda O'zbekiston delegatsiyasi para velosport turidan debyut qiladi. Ikki nafar para velosportchimiz velopoyaning 8 ta



yo'nalishida g'oliblik uchun bahs olib boradi. Shuningdek, para kanoe, para taekvondo, para pauerlifting va para yengil atletika sport turlarida rekord darajada litsenziyalari qo'lga kiritildi.

Dilshod KARIMOV ("Xalq so'zi").

Germaniyaning Frayburg shahrida o'zbek oshxonasi va madaniyatiga bag'ishlangan festival o'tkazildi.

Xalq so'zi
Narodnoe slovo

MUASSISLAR:
O'zbekiston Respublikasi Oliy Majlisi Qonunchilik palatasi Kengashi
O'zbekiston Respublikasi Oliy Majlisi Senati Kengashi

Bosh muharrir O'tkir RAHMAT

2020-yil 25-martda O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida 0001-raqam bilan ro'yxatga olingan. Nashr indeksi — 229. Buyurtma G 542, 14 275 nusxada aslida. Hajmi — 2 ta boq. O'fset usulida bosilgan. Qog'oz bichimi A-2. Bahosi kelishilgan narxda.

Gazetamiz haqidagi ma'lumotlarni yuklab olish uchun QR-kodni telefoningiz orqali skaner qiling.

TELEFONLAR:
Devonxona 71-259-74-51; kotibiyat 71-259-74-53; e'lonlar 71-259-74-55.

Tahriyatga kelgan qo'lyozmalar taqdir qilinmaydi va ummulligga qaytarilmaydi.

Gazetaning yetkazilish berilishi uchun oshimani rasmiylashtirgan tashkilot javobgar.

Gazeta tahririyat kompyuter markazida terildi hamda operator M. Begunratov tomonidan sahifalandi.

Gazetaning poligrafik jihatdan sifati chop etilishiga "Sharq" nashriyot-matbaa aksiyadorlik kompaniyasi mas'ul. Bosmaxona telefoni: 71-233-11-07.

MANZILIMIZ:
100066,
Toshkent shahri,
Islom Karimov ko'chasi, 55-uy.
Navbatchi muharrir A. Soyibnazarov.
Musahhib Sh. Mashraboyev.

"Sharq" nashriyot-matbaa aksiyadorlik kompaniyasi bosmaxonasi. Korxonani manzili:
Buyuk Turon ko'chasi, 41. O'ZA yakuni — 21.50 Topshirildi — 01.05 1 2 3 4 5 6